

Domgymnasium zu Naumburg a. S.

Jahres-Bericht

Ostern 1886.

Inhalt:

1. Quaestionum Sophoclearum particula I. Scripsit B. Kneisel.
 2. Schulnachrichten, vom Direktor Dr. H. Anton.
-

Naumburg a. S.

Druck von H. Sieling.

Quaestionum Sophoclearum particula I.

Admonitus, ut sumptum typographicum minuerem, cum libellum scholasticum hoc anno vellem conscribere, pauca afferre constitui. Si forte me fugit, quod ab aliis positum sit, veniam peto.

Oed. R. v. 9—11.

ἀλλ', ὃ γεραίέ, φράζ', ἐπεὶ πρόπων ἔφους
πρὸ τῶνδε φωνεῖν, τίνι τρόπῳ καθέστιάτε,
δείσαντες ἢ στέρξαντες;

Nonnulli *στέξαντες* pro *στέρξαντες* poni volunt, quippe qui illud, quod a scholiasta voce *πεπονθότες* explicatum sit, idem esse atque 'includentes malum occulte serpens' interpretentur. Neque tamen oratio dilucidior est, imo obscurior. Bellermann nonnulla affert, quibus vocem *στέργειν* interdum 'acquiescere aliqua re' significare ostendit. Quod ad locum, de quo agitur, ita adhibet, ut supplices illos aut timore mali appropinquantis perterritos aut praesenti calamitate oppressos auxilium petere dicat: quod idem scholiastam sentire, qui verba illa ἢ διὰ δέος ἢ παθόντες interpretaretur: Oedipum vero, quod homines cum silentio sedentes vidisset, num calamitate accepta acquiescerent interrogare. At fieri non potest, ut is, qui acquiescat, supplicet. Quamobrem scholiastam errare puto. Neque intelligo, cur voci *στέρξαντες* vis vel diligendi vel etiam orandi (cf. Oed. C. v. 1094) non sit subjienda. Quamquam fieri non posse, quin isti homines orent, ideoque preces non esse contrarias timori dicunt. Subtilius hoc. At in animo supplicis differt inter periculum et auxilium: modo hoc modo illud ei ob oculos versatur.

Oedipus vel quod periculum fugiant vel quod auxilium petant cognoscere vult, qui ex utroque, quae res agatur, possit intelligere. Itaque haec inter se pugnare mihi non videntur. Altera vis diligendi, quae voci *στέργειν* subest, verbo *δείσαντες* magis est contraria. Quam si probamus, Oedipus quaerit ex iis, quem timeant aut cui consulant.

Oed. R. v. 622—26.

KP. τί δῆτα χοήσεις; ἢ με γῆς ἔξω βαλεῖν;
OI. ἤμισα · θνήσκειν, οὐ φυγεῖν σε βούλομαι.
KP. ὅταν προδείξῃς οἷόν ἐστι τὸ φθονεῖν.
OI. ὥς οὐχ ὑπείξων οὐδέ πιστεύσων λέγεις.
KP. οὐ γὰρ φρονοῦντά σ' εὖ βλέπω.

Qua serie verba *ὅταν προδείξῃς πιστεύσων λέγεις* inter se apta colligataque sint, multi et docti homines enucleare studuerunt. Versum priorem ajunt cum antecedenti ita esse conjunctum, ut subjiatur: moriar, cum quemadmodum se habeat invidia mea ostenderis.

Nauck vocem *θανοῦμαι* nisi ad libidinem non audiri monet. Versus posterior (ὥς οὐχ ὑπέλξων) neque cum versu antecedenti neque cum sequenti neque cum contextu rerum apte cohaerere videtur. Neque enim intelligi potest, cur Creon injuria capitis argutus regis voluntati morem gerat vel ei fidem habeat. Nauck ideo versum ὥς οὐχ ὑπέλξων οὐδὲ πιστεύσων λέγεις Creonti esse tribuendum pro certo putat neque vero versum alterum ea re non explicari negat. Neque si quis versus mutato ordine disponat, ita ut posteriore antecedente — id quod Haase fecerit — Creon verba ὥς οὐχ ὑπέλξων οὐδὲ πιστεύσων λέγεις faciat, tum Oedipus *ὅταν προδείξῃς οἷόν ἐστι τὸ φθονεῖν* dicat, haec melius intelligi arbitratur. Quamobrem verba quaedam intercidisae ei videntur. Wolff Sophoclem scripsisse suspicatur: οὐχ ὥς ὑπεῖξαι μ' οὐδὲ πιστεύσαι λέγεις. Oedipus, si id comprobamus, ab invidia, inquit, te abesse mihi persuasisse tibi videris neque tamen ita loqueris, ut tibi indulgeam fidemque habeam. Adversatur Creon: persuadere tibi non possum, quod non intelligis menteque cares (οὐ γὰρ φρονοῦντά σ' εἶ βλέπω).

Sed verba, quae tradita sunt, voce *πιστεύσων* recte explicato facile servari possunt. Scholiasta interpretatur: οὕτω λέγεις ὥς μὴ πειθισόμενός μοι, ἀλλ' ἀντιλέξων τῇ κελεύσει. Wolff ipse ex Trachiniis (v. 1221) haec affert: *πιθοῦ · τὸ γὰρ τοι μεγάλα πιστεύσαντ' ἐμοὶ μικροῖς ἀπιστεῖν τὴν πάρος συγχέει χάριν*. Ex quo vocem *πιστεύειν* non modo 'fidem habere', sed etiam 'parere' significare apparet. Sententia jam nihil habet impedimenti, quod, quamvis ceteri Creontem indulgere et obsequi vix expectent, nimirum tamen Oedipus ut homo impetu animi abreptus, quippe qui istum sontem ducat, eum culpam fateri (*ὑπέλξων*) et poenam subire (*πιστεύσων* i. e. *πεισόμενος*) aequum esse putat. Verba autem illa *ὅταν προδείξῃς, οἷόν ἐστι τὸ φθονεῖν* bene, credo, intelligimus, cum sermonem puncto sublato sumimus esse interceptum. Creon, quid, cum Oedipus se invidiae convicerit, futurum sit, non dicit, quod Oedipus, qui eum non fateri cognoverit, sermonem interrumpit. Melius etiam verba conexa et apta essent inter se, si pro *φθονεῖν* positum esset *φρονεῖν*. Creon ubi loqui pergit (οὐ γὰρ φρονοῦντά σ' εἶ βλέπω), causam affert, cur antea vocem *φρονεῖν* usurpaverit. Dicere fortasse voluit, tum demum, cum istum mentis esse compotem cognovisset, fieri posse, ut cum eo de hac re ageret.

Oed. R. v. 720—25.

πάνταυθ' Ἀπόλλων οὐτ' ἐκεῖνον ἤγνυν
 φρονεῖα γενέσθαι πατρός, οὔτε Ἀδίων
 τὸ δεινόν, οὐφοβεῖτο, πρὸς παιδὸς παθεῖν.
 τοιαῦτα φῆμαι μαντικαὶ διώρισαν ·
 ὦν ἐντρέπον σὺ μηδέν. ὦν γὰρ ἂν θεὸς
 χρεῖαν ἐρευνᾷ, ῥαδίως αὐτὸς φανεῖ.

Locus insignibus litteris scriptus esse corruptus videtur. Verba ita explicantur, ut Jocaste haecce dicere videatur: quarum rerum utilitatem deus investigaverit i. e. quas utiles esse cognoverit, eas per se ipse, non ore vatis cujusquam, facile in lucem proferet. At mirum est, si deus — id quod homines faciunt — aliquid investigare dicitur. Adde quod *ἐρευνᾷ* non significat 'investigaverit', sed *ἐρευνήσῃ*. Tamen viri docti vocem *ἐρευνᾷν* vel substantivum *ἐρευναν*, cum generi humano conveniat, tuentur, nisi quod ad homines referunt. Quamobrem C. G. Eggert *ὦν γὰρ ἂν θεὸς χρηζῇ γ' ἐρευναν*, Nauck, qui vocem *γε* tollere studeat, *ὦν γὰρ ἦ θεὸς χρηζῶν ἐρευναν*, Wolff *ὦν γὰρ ἂν θεὸς χρηζῇ* (sc. *θέλη*) *τὴν ἐρευναν* Sophoclem scripsisse suspicantur. At recte Bellermann, si deus ipse aliquid in lucem proferat, ulla indagatione hominum non opus esse monet. Mea sententia locus nisi acriore medicina sanari non potest. Cum nemo dubitet, quin

ἐρευνᾷ mendosum sit, haud scio an in eo lateat ἐφεύρη. Verba *ων χρειαν* idem esse atque ,quae tamquam necessaria' Hermann interpretatus est. Quo probato sententia loci erit haec: quaecumque deus opus esse arbitratus erit (*ὦν ἂν χρειαν ἐφεύρη*), ea ipse facile in lucem proferet.

Oed. R. v. 1162—72.

- ΟΙ. πόθεν λαβών; οἰκεῖον ἢ ᾽ξ ἄλλον τινός;
ΘΕ. ἐμὸν μὲν οὐκ ἔγωγ', ἐδεξάμην δέ του.
ΟΙ. τίνος πολιτῶν τῶνδε καὶ ποίας στέγης;
ΘΕ. μὴ πρὸς θεῶν, μὴ, δέσποθ', ἰσθόρει πλέον.
ΟΙ. ὄλωλας, εἴ σε ταῦτ' ἐρήσομαι πάλιν.
ΘΕ. τῶν Λαῖου τοίνυν τις ἦν γεννημάτων.
ΟΙ. ἢ δοῦλος ἢ κείνου τις ἐγγενὲς γεγώς;
ΘΕ. οἴμοι, πρὸς αὐτῷ γ' εἰμὶ τῷ δεινῷ λέγειν.
ΟΙ. κᾶργ' ἀκούειν ἄλλ' ὅμως ἀκουστέον.
ΘΕ. κείνου γέ τοι δὴ πᾶς ἐκλήζεθ' ἡ δ' ἔσω
κάλλιστ' ἂν εἴποι, σὴ γυνή, τάδ' ὥς ἔχει.

Ex via quaestionis ab Oedipo de ipsius ortu institutae, quomodo res inter se conexas et aptae sint, apparet. Sed quid vox *γεννημάτων* in hoc contextu sermonis sibi velit, non liquet. Huic verbo subjecta notio est ,natus' neque quidquam aliud est *Λαῖου γέννημα* praeter Laio natum. Quod autem Oedipus deinde, utrum servus an genuinus illius filius fuerit, rogat, ex eo famulum incerta quadam voce usum esse intelligimus. Wolff rem obscuram interpretando explanare studet, cum *Λαῖου γέννημα* intelligi posse etiam ,illius servo quodam natum' dicit. Sed audacior mihi videtur haec explicatio, quam ut probari possit. Huc accedit, quod Oedipus ex famulo non quaesivit, quo natus puer fuisset, sed quis isti eum tradidisset. Nauck eo motus τῶν *Λαῖου τοίνυν* (vel *δόμων*, ut Dindorf suspicatur) *τις ἦν* ὁ δούς βρέφος conjicit. Sed etsi famulus aliud rogatus est, tamen eum unde puer natus esset adumbrasse ex eo, quod Oedipus iterum interrogat (*ἐγγενὲς γεγώς*), elucet. Fortasse Sophocles scripsit *γενέθλιον*, quod *γενέθλιοι* vocari possunt, quicumque ad gentem Laii attinent (cf. *θεοὶ γενέθλιοι*). Vox ambigua, quae rerum contextui conveniat.

Oed. R. v. 1329—35. 1349—55.

- στρ. Ἀπόλλων τάδ' ἦν, Ἀπόλλων, φίλοι,
ὁ κακὰ κακὰ τελευτῶν ἐμὰ τάδ' ἐμὰ πάθρα ·
ἔπαισε δ' αὐτόχειρ νιν οὔτις, ἀλλ' ἐγὼ τλάμων.
τί γὰρ ἔδει μ' ὄραν,
ὅτι γ' ὀρώωντι μηδὲν ἦν ἰδεῖν γλυκύ;
ἀντιστρ. ὅλοιθ' ὅστις ἦν, ὃς ἀγρίας πέδας
ρομάδος ἐπιποδίας ἔλαβέ μ', ἀπό τε φόνον
ἐρρυτο κἀνέσωσεν, οὐδὲν εἰς χάριν πρᾶσσων.
τότε γὰρ ἂν θανῶν
οὐκ ἦν φίλοισιν οὐδ' ἐμοὶ τοσόνδ' ἄχος.

Verba antistrophae insignibus litteris scripta strophae non respondent. Strophae ex dochmiis et versibus jambicis constare videtur. Ut primum sic alterum versum senarium esse dochmicum verisimile est. Versus tertius jambos, quos Deventer et Hartung, cum voces *τλάμων* (1333) et

πράσσω (1353) delent, senarium efficere volunt, versus quartus dochmium, quintus senarium jambicum praebent. Strophae versus alter metro dochmico servit, nisi quod syllabae ultimae (πάθρα) repugnare videntur. Sed ad eas legendas, nisi Elmslejo, qui πάθρα in πάθη mutavit, assentimur, synizesis adhibenda est. Proceri numeri fere prorsus — id quod patitur dochmius — in syllabas breves dissoluti sunt.

Multo impeditior est versus antistrophicus. Cujus prior pars strophae non respondet nisi vocalibus ια (in ἐπιποδίας) per synizesin lectis. Nevius v. 640 (δρᾶσαι δικαιοῖ, δυοῖν ἀποκρίνας κακοῖν) confert, quo illud licere comprobet. Sed Dindorf, quod id ipsum vocem δυοῖν tamquam unam syllabam legi plane inusitatum judicat, verba in δρᾶσαι δικαιοῖ, θάτερον δυοῖν κακοῖν mutavit. Minus etiam dochmius, quem strophae praebet, ex altera versus parte (ἐλαβέ μ' ἀπό τε φόνου) capitur. Quocumque rem vertis, syllaba brevis supervacanea est.

Quae cum ita sint, viri doctissimi versum sanare studuerunt. Scholiasta: ἀπόλοιτο, φησὶν, ὅστις ἀπὸ τῆς ἀγρίας πέδης τῆς διανεμομένης τοὺς πόδας μου ἔλαβεν καὶ διέσωσέ με. Etsi ita verba νομάδος ἐπιποδίας tamquam διανεμομένης τοὺς πόδας interpretatur, tamen, quasi explicationis eum poeniteat, haec addit: ἐπιποδίας, ἐν τῇ δημοσίᾳ ὁδῷ τῇ ὑπὸ τῶν νομέων πατουμένη. Praepositio ἀπό non modo ad φόνου, sed etiam ad ἀγρίας πέδας (sc. ὄντα, λυθέντα, vinculis solutum) refertur. Pro νομάδος Elmsley νομάδ' posuit idque ἐν νομαδικοῖς τόποις interpretatur. Sententia erit haec: pereat is, qui me in pascuis versantem diris vinculis pedibus solutum cepit atque ex morte eripuit. Sed posterior versus pars nihilo magis ad dochmium convenit. Nauck conjecit haecce:

στρ. Ἀπόλλων τάδ' ἦν , Ἀπόλλων, φίλοι,
ὁ κακὰ τελῶν τάδ' ἐμὰ πάθη.
ἀντιστρ. ὅλοιθ' ὅστις ἦν , ὅλοιτ' ἀγρότας,
ὃς ἀπὸ πέδας μ' ἀπό τε φόνου
ἔρρυτο κἀνέσωσεν.

Sed hoc audacius quam ut probetur. Magis Brambachi conjectura mihi placet, qui voce ἔλυσσε, quam multi libri praebent, servata scripsit:

ὅλοιθ' ὅστις ἦν , ἀπ' ἀγρίας πέδας
νομάδ' ὃς ἐπίποδος
λῦσέ μ' ἀπό τε φόνου
ἔρρυτο κἀνέσωσεν.

Sed fortasse Graeci neque ἐπίποδος neque ἐπιπόδιος consuetudine sermonis umquam usurpaverunt. Sophoclem haec scripsisse suspicor:

ὅλοιθ' ὅστις ἦν , ὃς ἀγρίας πέδας
νομάδος ἐπὶ ποδῶν ἔλαβε , μ' ἀπὸ φόνου
ἔρρυτο κἀνέσωσεν.

ἀγρίας πέδας accusativum pluralis esse puto, ita ut verba significant haec: pereat is, qui dira vincula in pedibus nomadis (sc. mei in pascuis versantis) manu prehendit (sc. ut solveret), me ex morte eripuit.

Phil. v. 22. 23.

ἃ μοι προσελθὼν σῖγα σήμαιν', εἴτ' ἔχει
 χώρον πρὸς αὐτὸν τόνδε γ', εἴτ' ἄλλη κυρεῖ.

Locum plerique corruptum esse judicant. Bergk aut εἴτ' ἔχει χώρον προσελθὼν τόνδε γ' aut χώρον πάραυτον τόνδε γ' esse scribendum conjecit. Alii εἴτ' ἐκεῖ χώρον καὶ αὐτὸν suspirantur. At medicina non adhibita verba explicari posse videntur. Wunder ita interpretatur: Verbi ἔχει subjectum non Philoctetam, sed pronomen ἃ esse, verissime ab Hermanno monitum puto. In reliqua hujus loci interpretatione dissentio. Totum fabulae exordium docet ante omnia Neoptolemo quaerendum fuisse, utrum locus is, quem a Philocteta habitari Ulixes putabat, in vicinia, id est in iis rupibus, quae in scena ante oculos Ulixis et Neoptolemi positae erant, an alibi esset. Itaque accedere nunc ad eas (προσσελθὼν σῖγα) sine strepitu jubetur et significare Ulixi, sintne (ἃ) antrum ejusmodi, quale modo descripserit, et fons 'ad eum versus locum', quem nunc teneat Ulixes, an 'aliorum' sita. Apte nunc πρὸς praepositionem positam esse patet.

Verbum ἔχειν 'spectare' hic significare contendit. Sed recte Wecklein monet: Bonitzius ἔχειν non 'situm esse', sed 'dirigi, pertinere ad locum' significare statuit. Complures res docent Ulixem dicere: 'quem locum si inveneris, tacite aggressus significa mihi, utrum illum etiam nunc teneat Philoctetes, an alibi sit'. Itaque verba πρὸς αὐτὸν aliquid vitii contraxisse probabile est. Res mihi ita se habere non videtur. Verba χώρον πρὸς αὐτὸν τόνδε ex participio προσελθὼν pendere existimo. Quamvis verborum ordo aliquantulum sit implicatus, tamen ferri potest. Haec quidem sententia interpunctione post ἔχει posita subest: utrum teneat (sc. illum locum) an alio loco versetur, me certiore fac, cum ad hunc ipsum locum adveneris.

Phil. v. 29. 30.

NE. τόδ' ἐξέπερθε καὶ στίβον γ' οὐδεὶς κτύπος.

OA. ὄρα, καθ' ὕπνον μὴ κατακλισθεὶς κυρεῖ.

Alii libri habent κτύπος, alii τύπος. Schneidewin verbo στίβον, quippe quod ἃ στεῖβω ductum semitam vel vestigium in solo impressum significet, fremitum ascribi posse negat. Itaque a multis τύπος, quamvis libris deterioribus traditum sit, antefertur. Hermann: 'hoc dicit, nullum conspici vestigium, unde aut introiisse illum aut exiisse appareat.' Sed si haec sit sententia, Ulixes inde forsitan locum desertum vel incultum esse suspicetur, non quaerat, num ille alicubi somno oppressus jaceat. Ideo Bergk scripsit: καὶ στίβον 'σε' οὐδεὶς τύπος. Nauck contra dicit, cum dativum οὐδεὶς poetis tragicis non esse usitatum docet. Quamobrem alii malunt καὶ στίβον 'σε' οὐχ εἷς τύπος, quod ita interpretantur ut verba οὐχ εἷς τύπος vim habeant 'multa vestigia.' Todt (in 'Zeitschr. für Gymnasialwesen, 1867) uno verbo mutato — conjicit καὶ στίβον δ' οὐχ εἷς τύπος — illud comprobatur atque consentaneum esse versui sequenti hoc fere modo ostendit, ut specu domicilio cognito minime mirum esse moneat, si Ulixes timeat, ne ille somno vinctus in ea sit.

Sed melius mihi voce κτύπος accepta omnia inter se congruere videntur. Ulixes postquam nullum fremitum audiri cognovit non jam se in tuto esse judicans Neoptolemo adhortatur, ut, ne forte dormiens ille adsit, circumspiciat. Wunder, qui illam vocem tuetur, rem ita explanat: 'Neoptolemus cum 'nullum incessus strepitum esse' vel nullum incedentis strepitum audiri ait, hoc significat, Ulixem, qui veritus adhuc, ne in antro inesset Philoctetes, procul afuerat ideoque ne satis quidem cognoscere illud potuerat, propius jam accedere posse, quod Philoctetes non

inesse nunc in antro videatur. Nam qui ante antrum stabat, si nullum incedentis strepitum audiebat, in alterutra versari sententia debebat, ut putaret aut non inesse Philoctetam aut, si inesset, recubuisse. Prius credebat Neptolemus, posterius cautior Ulixes reputandum statim monet. Ceterum *σιίβος* recte de ‚incessu‘ dici se alio loco docuisse contendit. Wecklein id comprobasse addit eis, quae a Bonitzio et aliis contra dicerentur, refutatis M. Seyffertum. Neoptolemum haec dicere: ‚et quod aliud quaeris, num Philoctetes in eo antro sit, incessus quidem nullum audio strepitum.‘ Cum ex eis, quae attuli, homines doctissimos vocis *σιίβος* hanc vim incessus tenere appareat, tamen id mihi persuadere non possum. Genitivum loci illud *σιίβου* esse puto, ut *πυράς* in Soph. El. v. 901 (*ἐσχάτης δ' ὁρῶ πυράς νεώρη βόστρουχον τετυμημένον*), ita ut sententia sit haec: in via quidem nullus strepitus.

Phil. v. 40—44.

ἀνὴρ κατοικεῖ τούσδε τοὺς τόπους σαφῶς,
 ἅσπ' οὐχ ἑκάς πον · πῶς γὰρ ἂν ῥοσῶν ἀνὴρ
 κῶλον παλαιᾷ κηρὶ προσβαίῃ μακράν;
 ἀλλ' ἢ ἐπὶ φορβῆς νόστον ἐξελέλυθεν
 ἢ φύλλον εἴ τι νόδυνον κάτοιδ' εἰ πον.

Hermann de versu insignibus litteris scripto sic disputat: ‚neminem, qui vel aliquem usum Graecae linguae habeat, dubitaturum puto, quin ἐπὶ νόστον φορβῆς ἐξελέλυθεν significet ‚in viam, qua victum quaereret, se contulit‘ i. e. breviter ‚ad victum quaerendum‘ exiit. Νόστος pro via et itinere simpliciter saepius apud tragicos positum, ut in Iphig. Aul. 966.‘ (Laws quaest. Soph. in progr. Roessel 1853.) Wunder additis nonnullis locis eandem verbi νόστος vim tuetur ac Suidae illud affert: περινοστοῦντας · περιερχομένους · νόστος κυρίως μὲν ἢ ἀπ' ἀλλοδαπῆς οἴκαδε ἄφιξις, καταχρηστικῶς δὲ καὶ ἢ ἀπὸ τόπου εἰς τόπον. Nihilo minus locus esse corruptus videtur: exspectaveris enim φορβῆς χρεῖα. Verba ἐπὶ φορβῆς νόστον, quidquid homines docti contra dicunt, non apta sunt. Praepositio ἐπὶ neque cum genitivo φορβῆς neque cum accusativo νόστον hic satis secundum grammaticorum praecepta jungitur, si quidem ἐφ' ὁδὸν ἐλθεῖν pro ὁδὸν ἐλθεῖν vix dicitur: praepositione deleta enunciaturum tuleris. Quapropter homines docti (Burges, Wecklein) mendum ita tollere studuerunt, ut scribatur ἐπὶ φορβῆν, Wecklein praeterea νόστον in νῆστις immutari vult, quod idem ac v. 162 φορβῆς χρεῖα esse dicit. Mihi pro eo in mentem venit tum ἐπὶ φορβῆν νόστον ἐξελέλυθεν tum ἐπὶ φορβῆς φόρτον. Hoc posito verba, cum vox φόρτος a φέρω ducta talem habere vim videatur, significant ‚ad victum afferendum.‘

Phil. v. 533—35.

ἴωμεν, ὃ παῖ, προσκύναντε τὴν ἔσω
 οἶκον εἰσοίκησιν, ὥς με καὶ μάθης
 ἀφ' ὧν διέζων ὥς τ' ἔφυν ἐνκάρδιος.

Nauck jure vocis εἰσοίκησις usum alienissimum esse monet, quippe quae nisi hoc loco nusquam in litteris Graecis usurpetur, quin etiam verbum εἰσοικέω in consuetudine sermonis Graeci vix inveniri: accedere supervacaneum illud τὴν ἔσω. In duas partes εἰσοίκησιν distrahi vult, ita ut legatur εἰς οἶκον, quod ex verbo ἴωμεν pendeat. Sane lenis ac digna mutatio, quae ab omnibus comprobetur. Sed quid sibi velit προσκύναντε, non patet. Wecklein: ‚in verbis ἴωμεν

— *προσκύσαντε* participium *προσκύσαντε* vim sententiae continet ut *μαθόντες* v. 540: „proficiscamur venerati“ i. e. antequam proficiscamur, veneremur. Schol.: *προσκύσαντες* · ἀσπασάμενοι τὴν ἐστίαν, unde suspiceris poetam scripsisse *προσκύσαντε γῆς ἕδος ἄοικον εἰς οἴκησιν*. Conf. El. 1374 *χωρεῖν ἔσω, πατρῶα προσκύσανθ' ἔδη θεῶν*. Nauck in medio relinquit, num nihil sit mutandum nisi *τὴν* in *Γῆν*, ita ut haec vox ad *προσκύσαντε*, illud *ἔσω*, quod verbis sequentibus *ἄοικον εἰς οἴκησιν* explicetur, ad *ἔωμεν* referatur. Sed ipsi, etsi Philoctetes habeat, quod Tellurem matrem, quae sibi victum praebuerit, imploret, tamen tum ipsum, cum antrum intrare velit, eum illam precari non satis videtur convenire. Dubitat an post *προσκύσαντε Γῆν* versus intereiderit, ita ut sententia loci fuerit haec: antequam Tellurem venerati Lemno proficiscamur, mecum venias velim in antrum. Praeterea si divinare liceat, fortasse Sophoclem *προσκύσαντε τὴν στέγην ἄοικον εἰς οἴκησιν* scripsisse proponit. Similiter Bergk, qui *προσκύσοντες ἐστίαν*, postea *προσκύσαντες Ἑστίαν* coniecit. Hoc mihi maxime arridet, nisi quod audacius est. Quid? quae verba libri praebent, nonne idem, quod Bergk suspicatur, significare posse videntur? Ut homines domestici οἱ ἐνδον interdum vocentur, sic *Ἑστίαν*, deam domesticam, *τὴν ἔσω* hic dici puto.

Phil. v. 660—62.

NE. καὶ μὴν ἐρῶ γε, τὸν δ' ἔρωθ' οὕτως ἔχω ·
 εἴ μοι θέμις, θέλοιμ' ἂν · εἰ δὲ μή, πάρες.
 ΦΙ. ὅσιν τε φωνεῖς ἔστι τ', ὃ τέκνον, θέμις.

Cum Neoptolemus, num sibi arcum manibus tangere vel portare liceret, e Philocteta quaesivisset, postquam hic veniam dedit, sequuntur versus praepositi. Wecklein *πάρες* defendit, cum dicit: „*πάρες*, praetermitte, neglege (desiderium meum).“ Confert cum eo Oed. Col. v. 361: *ἐγὼ τὰ μὲν παθήμαθ' ἔπαθον, πάτερ, παρεῖς ἑάσω*. At re omissa, quam desiderat imperativus *πάρες*, quis est, quin audiat *τὰ τόξα*, quae antea commemorata sint? Itaque Nauck locum corruptum iudicans *πάρες* vocabulum uncis inclusit. In hunc fere modum de eo disputat: verba *θέλοιμ' ἂν* postulare ait, ut audiat *βαστάσαι τὰ τόξα*: *πάρες*, quod „concede, ut arcum capiam“ (cf. El. 1482 *ἀλλὰ μοι πάρες κὰν μικρὸν εἰπεῖν*) significet, non quadrare in sententiam loci: vim istam „praetermitte“, quam ei subesse putent, non esse ex sermonis consuetudine. Quapropter suspicatur aut *εἰ δὲ μή, οὐ θέλω* aut cum Henseo *εἰ δὲ μή θέμις*, ita ut Neoptolemi sermo interrumpatur. Sed locus, opinor, minus audacter sanatur, cum sic constituitur:

εἴ μοι θέμις, θέλοιμ' ἂν · εἰ δὲ μή πάρεσ' —
 ΦΙ. ὅσιν τε φωνεῖς ἔστι τ', ὃ τέκνον, θέμις

· · · · ·

θάρσει, παρέσται ταῦτά σοι καὶ διγγάνειν.

Neopt. si mihi fas est, velim: si non licebit —

Phil. pia loqueris, mi fili, ac fas est

· · · · ·

bono animo es! licebit tibi hunc (se. arcum) attingere.

Philoctetes vocabulum *παρέσται* usurpans Neoptolemo, num sibi liceret (*εἰ δὲ μή πάρεσ'*), haesitanti directe respondet.

Phil. v. 686—95.

τόδε θαῦμ' ἔχει με,
 πῶς ποτε, πῶς ποτ' ἀμφιπλή-
 κτων ξοθίων μόνος κλέων,
 πῶς ἄρα πανδάκρυτον οὐ-
 τω βιοτὰν κατέσχεν.
 ἴν' αὐτὸς ἦν πρόσσυρτος, οὐκ ἔχων βάσιν,
 οὐδέ τιν' ἐγγύρων, κακογείτονα,
 παρ' ᾧ στόνον ἀντίτυπον
 βαρυβρῶνι' ἀποκλαύσειεν αἵματηρόν.

Wecklein de hoc loco ita disputat: „Recte Brunck, quem sequitur Buttm., πρόσσυρτος formam ionicam adjectivi πρόσσυρτος esse statuit. Saepius autem eo vocabulo Herodotus usus est: neque incredibile Sophoclem, qui multas formas ionicas usurpasset, hac quoque usum esse. Ejusdem compositionis vocabula haec sunt: ἄπυρτος, longinquus, O. R. 194, τηλονυρτός, longinquus, quae vox saepius usurpata est. Itaque sensus est: „ubi ipse (sibi) erat vicinus“. Similem locum Lucian. Timon. c. 43 θεοῖς θυνέτω καὶ εὐωχεῖτω μόνος ἐαντιῷ γείτων καὶ δυοτος comparavit Erfurdlius. ἐαντιῷ, quod desideres, continetur notione αὐτός quasi sit αὐτοπρόσσυρτος, cui comparare licet αὐτοδιάκονος. Reliqua dubie interpretantur „non habens eundi facultatem neque quemquam incolarum vicinum mali“.

Nihilominus Nauck locum corruptum esse judicat, interpretationem „ubi ipse (sibi) erat vicinus“ vocabulo ἐαντιῷ omisso non probandam esse censet, conjecturas et Blaydesi, qui ἴν' αὐτὸς ἦν οἰκονυρτός suspicetur, et J. Oberdicki, qui alteram versus partem in οὐκ ἔχων βάσιν mutari velit, affert. Quae mihi non magis placent, quam quae verba scholiasta ad rem explicandam facit: ὅπου αὐτὸς μόνος ὑπὸ ἀνέμων βαλλόμενος πρὸς ἀνέμον τετραμμένος ἦν, quae rem tangere minime credendum est.

Janke, qui in libello scholastico (Progr. Pyritz 1865) homines doctissimos, quae quisque de singulis locis annotaverit, accuratissime profert, cum aliorum tum Hermanni ejus loci, quem supra dixi, interpretationes diversas memorat. „Hermannus ipse“, inquit, „priorem illam interpretationem“ — ad quam scholiastae verbis, opinor, adductus est — „in quem locum ipse quasi secundo vento venerat“, hoc est, miserrimam illum vitam sustinuisse eo in loco, ad quem ipse fortuna favente enixus esset, jam dudum rejecit. Immo concedens formas ionicas non abhorre a tragicorum dicendi ratione, ex qua deducendum vocabulum πρόσσυρτος est a voce ὄρτος in ed. II. interpretationem Brunckii ab Heathio primum prolatam: „ubi ipse sibi erat vicinus“ adscivit, αὐτιῷ non scribendum, sed subintelligendum esse censens. Atque in ea explicandi ratione fere omnes acquiescunt editores recentiores: Janke ipse, qui, quamquam lectionem vulgatam ferendam esse putat, Nauckio dubitanti ex parte assentiatur, ἴν' αὐτὸς οἱ πρόσσυρτος in medio ponit. Concedo: sed verba οὐκ ἔχων βάσιν quid sibi velint, nondum apparet. Janke Hermanni sequens interpretationem ea sic explanat: „Poeta si dicit οὐκ ἔχων βάσιν, non perfectam eundi imbecillitatem exprimit, immo id tantum Philoctetam non ut hominem pedibus sanum potuisse incedere: quare postea cum infante comparatur, qui sine nutrice incedere conatur. Nam etiamsi constat Philoctetam non ita fuisse aegrotum, ut prorsus lecto teneretur, tamen non potest dici βαίνειν, sed ἔρπειν, id quod pluribus comprobatur fabulae locis. Aegre tantum incedere neque in locum remotum procedere potest. Accessit malus ille vulneris odor, quo omnes, qui appropinquabant,

repellebantur. Vides igitur ex his Philoctetam ne potuisse quidem adire vicinum, etiāsi habuisset. At ne habuit quidem, quod legis in versu sequente. Retinuimus igitur οὐκ ἔχων βάσιν, quae verba cum Hermanno (in ed. II.) causam indicare censemus, cur ipse sibi vicinus fuerit Philoctetes. Sed quamvis Janke enixe operam dederit, tamen contorta mihi videtur explicatio.

Schultz (Progr. Monast. 1860) ἔν' αὐτὸς ἦν, πρόσουρον οὐκ ἔχων βάσιν ponit, quod sic explicat: ,ubi ipse solus erat, ad confinem quemquam non habens accessum i. e. ubi neminem adire poterat'. Ad hanc conjecturam interpretationemque fulciendam ex scholiis affert: v. 691. ὅπου αὐτὸς μόνος ἦν · v. 692. οὐ μόνον ὅπου καλὸν οὐκ εἶχε γείτονα, ἀλλ' οὐδὲ κακὸν, παρ' οὗ ἀμοιβαῖον λόγον στενάζων ἀκούσεται. At minus refert ad versum 691 explicandum, quod scholiasta ad v. 692 annotavit. Summa vero offensionis in eo consistit, quod praepositio vocis πρόσουρον (ad confinem) desideratur. Haud scio an scribendum sit: ἔν' αὖ τόσην πρὸς οὗτος οὐκ ἔχων βάσιν i. e. ubi (versatur) jam tantam facultatem (eundi) ad montem (qui in propinquo eminet) non habens. Quamquam nonnulla obstant, tamen verba, quae posui, fortasse eo commendantur, quod nulla lectionis vulgatae littera mutata est.

Phil. v. 758—59.

Philoctetes morbo afflictus ejus naturam sic describit:

ἦκει γὰρ αὕτη διὰ χρόνου πλάνοις ἴσως
ὥς ἐξεπλήσθη. NE. ἰὼ ἰὼ δύστηνε σύ ·

In scholiis est: ὁδοιπορείαις . ἦκει ἡ νόσος, ἴσως ὅτε ἐκορέσθη πλανωμένη . ὥς ἐπὶ θηρὸς δὲ ποιεῖται τὸν λόγον. Wecklein (ed. Wund.), qui πλάνοις ἴσοις posuit, rem similiter explanat: ,redit enim morbus longioris temporis intervallo, ut paribus grassationibus se exsaturavit. Morbi impetum et mox cessaturum esse, quia impetus ejusque par spatium (πλάνους ἴσους) cognoverit, et diu non rediturum Philoctetes Neoptolemo affirmat boni animi retinendi causa'. Sane contorta explicatio, morbum magis ,grassationibus' quam eo, quod aegrotum torqueat, satiari. Nimirum morbus, ubi ad hunc modum satiatum est, non accedit ad aegrotum, sed ab eo recedit. Nauck ait, si libri haberent ἦκει γὰρ αὕτη διὰ χρόνον πλανωμένη, ταχέως δ' ἐπλήσθη vel νῦν δ' ἐξεπλήσθη, futurum esse, ut omnia inter se congruerent. Praeterea conjecturas et Schmidtī (λήγει γὰρ αὕτη διὰ χρόνον πλάνοις νόσος ὥς ἐξεπλήσθη) et Hensei (ἦκει γὰρ αὕτη καὶ φθίνει πλάνοις πάλιν ὥς ἐξεπλήσθη διὰ χρόνον. NE. δύστηνε σύ) affert. Fortasse locus sanari potest voce ὥς mutata in ἔως, ita ut tamquam una syllaba (cum synizesi) legatur. Dindorf in lexico Sophocleo praeter tres locos, quibus ὥς ἂν vel ὥσπερ ἂν pro ἔως usurpetur, nihil affert. Quibus, puto, is locus, de quo nunc disputo, si vox ὥς servetur, ascribendus est. Praeterea ἴσοις quam ἴσως legi malim. Habemus igitur haec: ἦκει γὰρ αὕτη διὰ χρόνον πλάνοις ἴσοις, ἔως ἐξεπλήσθη. Sententia subest haec: morbus interdum paribus circuitibus errans mihi obrepit (neque cessat), dum satiatum est.

Phil. v. 1095—1100. 1116—21.

στρ. σύ τοι σύ τοι κατηξίωσας,
 ὃ βαρύποτμ', οὐκ ἄλλοθεν
 ἔχῃ τύχα τῷδ' ἀπὸ μείζονος
 εὐτέ γε παρὸν φρονῆσαι
 τοῦ λῥόνος δαίμονος εἶλον τὸ κάκιον ἐλεῖν.
 ἀντιστρ. πότμος πότμος σε δαιμόνων τάδ',
 οὐδὲ σέ γε δόλος ἔσχ' ὑπὸ
 χειρὸς ἐμᾶς . στυγεράν ἔχε
 δύσποτμον ἄρὰν ἐπ' ἄλλοις.
 καὶ γὰρ ἐμοὶ τοῦτο μέλει, μὴ φιλότῃτ' ἀπόσῃ.

De his versibus et tertium et extremum strophae, quippe qui antistrophicis non respondeant, corruptos esse suspicor. Cum in extrema antistrophā tres sint choriambi, Hermann τοῦ πλέονος (et αἰνεῖν pro ἐλεῖν), Wunder λωιτέρου (et εὐρεῖν), Bothe cum Nauckio λωλονος pro τοῦ λῥόνος volunt. Ad tertium versum emendandum Dindorf ἃ τύχα ἄδ' ἀπὸ μείζονος conjicit. Alii mendum in antistrophā inesse putant. Nescio an lenior, quam quae Dindorf posuerit, mutatio sit scribere οὐκ ἄλλοθεν ἔσχε τύχα σ' ἀπὸ μείζονος, i. e. tu haec mala tibi ipse contraxisti, non aliunde scil. a potentiore quoquam (potentioris cujusquam impetu) fatum te tenuit.

Phil. v. 1140—42.

ἄνδρός τοι τὸ μὲν εὖ δίκαιον εἰπεῖν,
 εἰπόντος δὲ μὴ φθονεράν
 ἐξῶσαι γλώσσας ὀδύναν.

Postquam Philoctetes, quod arcu sit privatus, questus Ulixem tamquam pestem suam detestatus est, chorus his versibus, quos supra posui, respondet. Nauck ex verbis corruptis, quid poeta sentiat, dilucide intelligi posse negat. Schneidewin Arndti conjecturam τὰ μὲν ἐνδικ' αἰὲν εἰπεῖν dignam esse censet, quae animo volvatur. Contra quem Nauck, etsi αἰὲν λέγειν ratione dicendi usurpetur, tamen αἰὲν εἰπεῖν scribi non licere monet. Wecklein (in ed. Wund.) de hoc loco sic disputat: ‚certissimum mihi videtur verba εὖ δίκαιον aliquid vitii contraxisse. Fortasse scriptum fuit: τὸ μὲν οὐ δίκαιον εἰπεῖν vel potius τὸ μὲν ἔκδικον κατεῖπεῖν. Illud quidem non dubito, quin istiusmodi quid positum fuerit, ut sensus hic esset: ‚viri boni est libere dicere quidquid injustum putet esse, sed ubi dixerit, dictis acerbis invidiaeque plenis abstinere‘. Concedit chorus Philoctetae esse, quod de fraude sibi illata conqueratur, sed admonet simul, ne acerbis malignisque verbis in Ulixem invehatur, quippe qui, id quod sequentibus explicat, non malevolentia quadam ductus aut sui commodi causa, sed amicorum saluti ut prospiceret id, quod molestum Philoctetae sit, suscipiendum faciendumque putarit. Deinde nihil offensionis est in genetivo εἰπόντος, pro quo poterat poeta εἰπόντα dicere, sed metri gratia posuit εἰπόντος, praecedenti genetivo ἄνδρός accommodatum‘. Quamquam magna ex parte consentio, tamen etiam id, quod libri habeant, fortasse servari posse existimo, ita ut sententia sit haec: ‚viri est dicere, quidquid sibi justum esse videatur‘. At in eis, quae Wecklein addit, ab eo dissentio. ‚Denique‘, inquit, ‚verbis φθονεράν ἐξῶσαι γλώσσας ὀδύναν nihil significatur nisi γλώσσαλον εἶναι sive, ut recte scholiasta interpretatur, πικραίνεσθαι.‘ Qui igitur verbum pro verbo reddet, rem ita interpretabitur: ‚viri est, ubi dixerit, non amplius invidum linguae dolorem expromere‘ vel ‚animi dolorem verbis exprimere‘. At vocabulum ἐξῶθεῖν non tam ‚expromere‘ vel ‚exprimere‘, quam

expellere' significare mihi videtur. 'Expellere dolorem' autem idem est, quod 'ex dolore animi verbis expresso conquiescere', ita ut verbis *μὴ φθονεράν ἐξῶσαι γλώσσας ὀδύναν* contraria subsit sententia 'non conquiescere, dolorem non expellere'. Quamobrem pro voce *μὴ* fortasse *μήν* scribendum esse censeo. Chorus, quamquam viri sit, quidquid sibi justum esse videatur, dicere, tamen non minus eum decere, ubi dixerit, invidum animi dolorem, qui ad loquendum stimulet, expellere vel cohibere monet.

Phil. v. 1146—51.

ὦ πιναὶ θῆραι χαροπῶν τ'
 ἔθνη θηρῶν, οὓς ὅδ' ἔχει
 χῶρος οὐρεσιβώτας,
 φυγᾶ μ' οὐκέτ' ἀπ' ἀλλίων
 πελᾶτ' · οὐ γὰρ ἔχω χερσῶν
 τὰν πρόσθεν βελέων ἀλκάν.

Wecklein (in ed. Wund.) locum insignibus litteris scriptum sic explicat: 'Schol. *φυγᾶ μ' οὐκέτ' ἀπ' ἀλλίων* · ἀντὶ τοῦ οὐκέτι φεύξεσθ' ἐμ, οὐκέτι μετὰ φυγῆς καὶ φόβου προσπελάσειτέ μοι. Similiter atque *φυγῇ φεύγειν* hoc loco dictum est *φυγῇ πελάζειν*, significans 'ita appropinquare, ut statim rursus aufugias'. Sensus enim totius loci hic est: 'opportunum jam est, o ferae, appropinquare a lustris vestris ad me, ut me petatis et carne mea vos satietis, non, ut antea fecistis, ut me fugiatis'. Affert locos nonnullos, ubi *πελάζειν* cum accusativo conjunctum sit. Nihilominus ei non satis placet, ideoque in extremo addit haecce: 'ceterum non haberet sententia aliquid tumidi et a Sophocle alieni, ut nunc habet, si scriptum esset: *φυγᾶ μηκέτ' ἀπ' ἀλλίων* (ab antro meo) *πλάξουσθ'* · οὐ γὰρ κτέ.' Nauck in medio ponit: *οὐκ ἐμῶν ἔτ' ἀπ' ἀλλίων φεύξεσθ'*. M. Seyffert in 'Zeitschrift für Gymnasialwesen 1862' Naucki emendationem violentiorem, quam ut probari possit, judicans scribendum esse putat: *φυγεῖν μ' οὐκέτ' ἐπ' ἀλλίων πελᾶτ'* i. e. jam non ad antrum meum acceditis, ut me fugiatis. At ne hoc quidem probabile videtur. Quid? feras etiam tum, cum Philoctetes arcum manibus teneret, ea mente, ut inde fugerent, ad antrum venisse num verisimile est? Nescio, an nihil sit mutandum. Si *φυγᾶ*, ita ut ὄντες simul audiat, tamquam appositum sit ad subjectum, quod in verbo *πελᾶτ'* lateat, sententia loci paulo sit tolerabilior. Philoctetes enim dicit: *φυγᾶ* (sc. ὄντες) *μ' οὐκέτ' ἀπ' ἀλλίων πελᾶτ'* i. e. jam non in fuga (fugientes) ab antro meo (receditis), acceditis ad me. Quamquam ordo verborum pronomine *μ'* inserto implicatus est. Forsitan vero *φυγᾶ* (ὄντες) tamquam *φεύγοντες* cum accusativo *με* conjungatur, ita ut pronomine omisso in voce *πελᾶτ'*, cui appropinquent, simul audiat.

Phil. v. 1382—85.

ΦΙ. καὶ ταῦτα λέξας οὐ κατασχόνῃ θεοῦς;
 ΝΕ. πῶς γὰρ τις αἰσχύνουτ' ἂν ὠφελούμενος;
 ΦΙ. λέγεις δ' Ἀτρεΐδαις ὄφελος ἢ ἐπ' ἐμοὶ τόδε;
 ΝΕ. σοὶ που, φίλος γ' ὢν, χῶ λόγος τοιόσδε μου.

Quis est, qui verbum insignibus litteris scriptum salvo poetae sensu conservari posse arbitretur? Nauck poetam ἄλλον ὠφελῶν scripsisse suspicatur, Blaydes ὠφελῶν φίλον. Sed



3 0112 105476771

audacior est haec mutatio, quam ut probetur, si lenior medicina adhiberi possit. Maxime arridet mihi Heathii conjectura *ὠφελουμένους*. Nevius occurrit, cum activam potestatem verbi versu proxime sequenti posci videri dicit. At verbo *ὠφελουμαι* vim esse verbi agentis vix crediderim. Locus ab illo collatus (Ai. 647. *ἄπανθ' ὁ μακρὸς κίναρξίθμητος χρόνος φύει τ' ἄδηλα καὶ φανέντα κρύπτεται*) adeo non me movet, ut, nisi ipsum verbum *ὠφελουμαι* active usurpari demonstraverit, vocem *ὠφελούμενος* sanandum esse putem. Locus, qui agitur, Heathii conjectura *ὠφελουμένους* paullulum mutatus optime explicari potest. Neoptolemus a Philocteta, nonne deorum eum puderet, interrogatus: quem pudeat, inquit, eorum, quibus serviat i. e. quorum mandata exsequatur? Deinde Philoctetes, qui se a Neoptolemo pro deorum jussis moneri non concedat vel dicam concedere nolit, rem declinat, cum ex eo quaerit, utrum Atridis an sibi serviat, vel, si eisdem verbis reddimus: officiumne hoc erga Atridas an erga me adhibitum dicis?

Phil. v. 1442—44.

ὥς τᾶλλα πάντα δεύτερ' ἡγεῖται πατὴρ
 Ζεὺς · ἣ γὰρ εὐσέβεια συνθνήσκει βροτοῖς ·
 καὶ ζῶσι καὶ θάνωσιν, οὐκ ἀπόλλνται.

Hercules superioribus versibus adhortatur, ne Graeci, cum Trojam ceperint, pietatem erga deos laedant. Sequuntur versus praedicti, qui subditi esse nonnullis videntur. Lud. et Guil. Dindorfii, ut Weckleini verbis utar, tres versus *ὥς τᾶλλα — ἀπόλλνται* ab interpolatore additos esse judicant, quia Herculis oratio verbis *τοῦτο δ' ἐννοεῖθ', ὅταν πορθέητε γαῖαν, εὐσεβεῖν τὰ πρὸς θεοὺς* aptissime et gravissime finiatur. Atque illud *εὐσεβεῖν τὰ πρὸς θεοὺς*, quo vetantur Graeci divina humanaque jura permiscere, aliud est atque haec *εὐσέβεια*, quae pietas in virtute cultuque deorum posita est. At fieri non potest, ut ratio ista id adulterinum judicandi, quo sublato concinnius sit carmen, mihi probetur. Quam si sequeremur, quot ex carminibus nostris loci, qui sine ulla dubitatione germani sunt, in dubium essent vocandi! Vocem vero *εὐσεβεῖν* in illo loco, qui agatur, aliud atque *εὐσέβεια* significare persuadere mihi non possum. Quae cum ita sint, alii nisi versum *καὶ ζῶσι καὶ θάνωσιν, οὐκ ἀπόλλνται* nihil incertum putant. Antecedentem quidem versum cum hoc pugnare apparet. Ideo plerique Bruncki conjecturam pro *ἣ γὰρ εὐσέβεια* esse scribendum *οὐ γὰρ ἡσέβεια* approbant. Assentio. Neque vero, cur illis verbis emendatis versum *καὶ ζῶσι ἀπόλλνται* nonnulli tamquam alienum notis includant, intellegere possum. Idem fere declarant versus illi Euripidei, quos Nauck affert: *ἀρετὴ δὲ καὶ θάνη τις οὐκ ἀπόλλνται, ζῆ δ' οὐκέτ' ὄντος σώματος · κακοῖσι δὲ ἅπαντα φροῦδα συνθανόνθ' ὑπὸ χθονός*. Quod vero poeta eandem sententiam explicatam uberius et fusius dixerit, res non est satis magni ad persuadendum momenti.